

Sing Fwen Liuzloz Ganq Lwgcuenh

“Cin hah daengz cou doeng, mbouj doxdoengz geiqciat, ndaem haeux ndaem maenz biek, mbouj deng iek ndwenngoengz……” Hot fwen 《Ngeihcibseiq Cietheiq》 hagdangz dou gag guh haenx, gij singfwen rwenzrwz ndeidingq, haeuj sim haeuj bwt. Gij yaemdiuh Vahcuengh biu hwnj biu roengz mbinfele, roxnyinh lumj raemxmoq sawdik danhmwd-mwd ndaw bya, lumj fwjmok fouzfang-fang gwnz mbwn, sawj vunz sim sangj-ftwft. Gyoengq doengzhag ngoenz-naengz eu fwen angqfwngfwng, roxdaengz bouxguhnaez raeuz ndaej gaem-dawz aen gvilwd dienheiq geiqciat bienqvaq, gohyoz anbaiz hong ndaem naz ndaem reih, gamjsouh daengz gij vwnzva Cunghvaz minzcuz raeuz gvangqlangh naeklaeg.

Hagdangz dou dwg aen hagdangz ndaw cin lajmbanj, hagseng dingzlai dwg ranz youq lajmbanj bonjdieg, gyoengqde lailai noixnoix cungj rox di Fwencuenh. Vihliux swncienz gij vwnzva fwenliuzloz, Lij Swngcwnz yaucangj daraeh yawj ndaej gyae, daj bi 2014 hwnj dawz fwenliuzloz yinx haeuj goqdagz, sawj fwenliuzloz ndaej yungz haeuj ndaw dauhdaek sonhag bae.

Ginggvaq roengzrengz guh geij bi, bi 2018 ndwen 2, hagdangz dou couh baengh aen hanghmoeg swncienz fwenliuzloz, aeu ndaej aen mingzdaeuz “Aenhagdangz Daengx Guek Cungh Siujyoz Cienzswnj Vwnzva Yisuz Maenhndei Cunghvaz”. Siusik baez cienz daengz hagdangz, daengxcungq lauxsae hagseng boux-



boux angqvauvau faengzfwdfwd!

Lij yaucangj leihyung seizegei ndei diegdeih ndei vunz doxhuz gij ndeicawq neix, daiqingx gyoengq lauxsae hagseng youq gwnz dangz, gwnz banhoih, laj guekgeiz eu fwenliuzloz, yiengjsouh gij meiliz Fwencuenh, doengzseiz lij aeu fwenliuzloz daeuj senhconz “sevei cujyi haedsim gyacizgvanh”. Gyoengq lauxsae gag biensij gij fwenliuzloz miz son’gyauq yiye de, lumj “fwen laex-mauh” “fwen ancienz” daengj. Hagdangz lij doenggvaq “roek it” “yenz-dan” vwnzyi biujyenj, doenggvaq gyahcangjvei, bangaep banjbau, gvangjbo daengj, aeu gij fwenliuzloz dojdai neix yiengq gyahcangj yiengq gwnzbiengz cienzson dauhdaek gyauyuz.

Lij yaucangj sij souj fwen《Guek Raeuz Ndaej Fukhwng》haenx, youq

dieg dou ciengq ndaej hoenghwd. Aen sibinz biujyenjciengq gyoengq lauxsae hagseng biujyenj de aeu ndaej gaiq daihcib Nanzningz Si cungh siujyoz hagdangz yingjsiciengj bingzbeij hozdung ngeihdaengjciengj caeuq Cunghyangh Den’gyaugvanj hagdangz yingjsi ngaenzciengj. Doek-laeng ndaej daegdaengq iu bae camgya Gvangjsih Densidaiz “Segih Damingzsingh” doxdax aeu ndaej cingzcieng ndei. Lij ndaej camgya le bi 2016 Gvangjsih Minzgoh Yisuzceez bozvuzgvann godaiz fwenliuzloz yienjciengq. Hagdangz lij cujiz “mbaq dawz rapnaek, saedyienh siengjmuengh liuzloz” bi 2016 yenzdan doxdax eu fwenliuzloz hozdung, hozdung saedsaeh cingzgvang ndaej youq gwnz lanzmoeg 《Yauyenz Caisen》 Nanzningz Densidaiz boq okdaeuj. Hagdangz laebdaeb gawjbanh bi 2017、2018、2019 “sam nyied sam” fungsug Bouxcuengh vwnzvacez cungj baenz dangqmaz. Bi 2017 ndwen 6 ngoenz

11 daiyauj Liengzging Gih bae camgya “hawfwen Bouxcuengh haeuj hagdangz cwngzgojcanj” youz si vwnzsinghvangjgiz, si gyauyuzgiz cawjbanh, youz Nanzningz Densidaiz ingguh haenx, ndaej caeuq daengx si gak yienh gih hagdangz daiyauj itheij, yienh’ok le gij cwngzgoj gaenh bi daeuj hawfwen vwnzva Bouxcuengh swngdhai baujhu gensez ndawde “feihyiz haeuj hagdangz” haenx.

Dou yungh aen banhfab son fwenliuzloz neix, guh ndei dauhdaek gyauyuz, sawj gij hong doicaenh cizlieng gyauyuz hagdangz dou ndaej gaihcanj hoenghhubhub. Gij lwghag dou ndaej angqfwngfwng ciepcoux minzcuz vwnzva gyauyuz, fwenliuzloz couh baenz le diuzdongh daemxcengj gij cingsaenz gyoengqde hungmaj baenz vunz baenz caiz, ndaej sawj gyoengqde demgya dauhdaek yisiz, ndaej hauqgingq bouxlaux, doiq baengzyoux ndei, simmaij gwnzbiengz, ndiepgyaez aen guekcoj hungmbwk raeuz.

Gyo ndaej fwenliuzloz, gij fungheiq mienhmauh gyoengq hagseng aen hagdangz dou cungj ndaej bienq ndei lailai. Hagdangz aeu “fwngz iq rag fwngz hung”, daj fwenliuzloz hainduj guh hengzdoengh, yiengq gyahcangj yiengq sevei cienzboq vwnzva Bouxcuengh, vih gij minzcuz vwnzva maenhndei ciuhgeq raeuz ndaej fukhwng hwnjdaeuj ok di rengz. Seizeix, fwenliuzloz gaengq ciengq ok le dauhdaek gyauyuz hagdangz dou, ciengq ok le gij vwnzmingz Nazheu! Gyoengq lwgnyez Mbanjcunegh cingq ngoenzngoengz hungmaj baenz vunz!

(Vangz Lunzfangh/黄伦芳)



Loqfangzhwnz

Ngoenzlwnz gwn maknganx, gou mbouj re couh ndwnj naed ngveih ndeu roengz ndaw dungx bae. Gyanghaemh, gou yawjraen——

Gwnz gyaeuj gou maj ok go faexmaknganx iq ndeu, gwnz gomaknganx dawz rim lwgmak.

Gou youq baihnaj ranz guhcaemz, mbouj rox seizlawz, miz lailai lwgnyez daeuj le, doxhumx yawj gou. Gou byaij bae doiqnaj vunzlai, gyomq roengzdaeuj naeuz: “Gwn maknganx lwi? Yaek gwn couh mbaet vei!”

Vunzlai gwn dwk maknganx cungj naeuz: “Van lai.”

Gwn maknganx le, vunzlai cam gou naeuz: “Mwngz guhlawz ndaej youq gwnz gyaeuj maj go faexmaknganx ndeu okdaeuj ne? Lwnh dou dingq ndaej lwi? Dou goj yaek youq gwnz gyaeuj maj ok go faexmaknganx ndeu

bw.”

Ndaej vei, guhlawz mbouj ndaej ne, gou naeuz: “Gwn maknganx mbouj re ndwnj le naed ngveih ndeu roengz dungx bae, faexmaknganx couh maj ok gwnz gyaeuj gou logo.”

“Gou goj mbouj re ndwnj naed ngveih maknganx ndeu gvaq, guhlawz gwnz gyaeuj gou mbouj maj faexmaknganx ne?”

“Wgo, gou goj ndwnj gvaq go. Mwngz yaeh vunz!”

“Daegyaeuh!”

“Daegyaeuh!”

Gyoengqde mbouj saengq gou, cungj naeuz gou dwg bouxguhyaeh, mbouj caeuq gou guhcaemz lo, gou gip yaek daej bae, couh ndiunde q daeuj lo——Gou guh lawz dwg yaeh vunz ne? Dahraix go, couhdwg aenvih



gou gwn maknganx mbouj re ndwnj naed ngveih ndeu roengz dungx, cingq loqfangzhwnz go.

(Daj 《Bonjsei Sim Lwgnyez》 (Veiz Gizlinz raiz) senj okdaeuj, Lwgfwnzgmeh/卢奋长 hoiz)